



**Ethica Amoris, Sive Theologia Sanctorum, Magni  
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones  
Strenuè propugnata, Et In Materiis Principaliter Hodie Controversis  
Fundamentaliter discussa

De Generalibus Principiis Amoris Et Morum - Prolegomena septem,  
Librosque undecim complectens

**Henricus, de Sancto Ignatio  
Leodii, 1709**

Caput XVI. Ragulæ in hac nostra Theologia Morali sequendæ.

---

[urn:nbn:de:hbz:466:1-73187](#)

„ rator, ut, in controversia de fide Trinitatis cum haereticis, producerentur sententiæ tam tūm eorum Patrum, qui in veteri, sive in priori Ecclesia floruerunt. Ac in tertia Oecumenica Synodo, quæ Ephesi celebrata est contra Nestorium, paucorum quorundam Patrum testimonii, qui in proxima Ecclesia illustres extiterant, causa evicta fuit. Atque hanc rationem cunctas haereses jugulandi sectata sunt cætera omnia Concilia Catholica. „ Vincen-

tius quoque Lyrinensis commonit. 2. c. 2. ostendit, in Concilio Ephesino, totius Ecclesiæ Traditionem decem Patrum Orientis, & Occidentis testimonio comprobatam fuisse, nec majorem testium numerum ad id desideratum fuisse.

108 Eandem rationem, sive regulam, sectata sunt Patres passim omnes. Hac enim ratione S. Hieronymus Helvidii jugulavit haeresim. S. Augustinus haeresim Donatistarum, Pelagianorumque. S. Leo Papa eademi ratione Eutychetem de haeresi convictit apud Leonem Augustum, sicut & Monothelitas Agatho. Idem adversus Graecorum errores Concilium prædictum Florentinum.

## C A P U T X V I .

*Regula in hac nostra Theologia Morali sequenda.*

109 **R**ecapitulando itaque hactenus dicta, sive tot, & tam palpabilia argumenta, quibus tum autoritate, tum ratione, tum experientiâ demonstratum est, rationem purè humanam ( antecedentem documenta Scripturae, Ecclesia, Patrum ) ob nimiam cæcitatem & insufficienciam suam, atque in errores proclivitatem, idoneam non esse regulam, qua nos dirigat in materia morum; statutum nobis est ipsam habere suspectam, nec Moralem nostram tam lubricæ committere regulæ, ne in nos quadret illud Augustini 32. contra Faustum 19. *Quo te committi anima misera, infirma, carnalibus nebulis involuta, quo te committi?* Ei se committat, qui voluerit; desipiat cum ea, qui tot argumentis experimentisque adduci noluerit, ut sapiat. Nobis statutum est,

110 1°. Acquiescere monitis Spiritus sancti Proleg. 2. c. 13. relatis.

111 2°. Infistere documentis & exemplis Sanctorum, veterumque Theologiae Moralis Compilatorum, imo ipsius etiam Christi, Apostolorum, Conciliorum, summorum Pontificum, tum ibidem, tum Prolegom. 1. c. 7. producotorum.

112 3°. Servare regulas christianaæ humilitatis, simplicitatis, modestiæ ac prudentiæ, Prolegom. 2. c. 14. Regulas item sapientiæ, ibidem c. 17. recentissimas.

113 4°. Moralem nostram depromere ex solis germanis fontibus illius, sive firmis, tutis ac propriis Theologiae principiis, de quibus Prolegom. 3. c. 9. utpote ex quibus solis sua mo-

rum dogmata depromperunt Concilia, summi Pontifices, veteraque Patres omnes; quæque sola, tamquam propria Theologiae principia Sixtus V. commendat in Bulla *Triumphantis Hierusalem*, dicens, *qua biujus tam satularis scientia cognitio & exercitatio ab uberrimis divinarum Literarum, SS. Pontificum, SS. Patrum & Conciliorum fontibus dimanat.* Ex quibus etiam Patres ac Theologi novissimi Concilii Tridentini sententias suas derivare jussi sunt, ut vidimus Prolegom. 1. n. 58.

5°. Ab extremis opinionibus, tam scilicet rigidioribus, quam laxioribus cavere. Ob rationes allatas Prolegom. 2. c. 18.

6°. Incerta ut certa non definire, in matterisque Catholicos inter Doctores adhuc hinc inde controversis, nullaque adhuc Ecclesiæ declaratione alterutram in partem determinatis, ab omni censura, nota, improposito adversæ partis abstinere. Ob dicta ibidem c. 9.

7°. A generalibus Dei præceptis, Scripturæque sententiis, ratione purè humanâ, nobis visa, numquam excipere, tamque Scripturam, quam SS. Patres, iuxta regulas 14. supra memoratas, rotundè explicare, ut sapiant, utque contextus & circumstantiæ sermonis exigunt.

8°. Ubicumque SS. Patres stabunt pro dogmate aliquo, jus divinum, seu naturale, seu positivum concernente; Recentiores verò, ob solam humanam rationem, sibi visa, stabunt ex adverso, Patrum autoritatem doctrinamque, præsertim inconcussa tutissimaque Augustini & Aquinatis dogmata, Recentiorum illorum opinacionis præferre, foliosque illos Theologos audire, qui ex germanis Theologiae Moralis fontibus supradictis doctrinam suam eruunt; non verò Recentiores illos, vel Recentiorum greges, qui à regia Sanctorum Theologia recentiunt. Neque enim talium multitudo conciliat ipsis autoritatem in Morali doctrina magni faciendam, cum Moralem doctrinam suam ex germanis legitimisque fontibus non derivent, nec proinde ipsi, ea in materia, ad numerum solidè eruditorum pertineant, meliusque sit nullus, quam tales Theologos habere, ut ex Gersone Merbesius observat in Summa Christiana p. 1. q. 15.

## C A P U T X V I I .

*Rationes cur Moralis nostra potissimum depromatur ex S. Augustino & S. Thoma.*

**T**amei Morales resolutiones nostras ex aliis quoque Partibus sumus deprompturi, potissimum tamen ex Augustino & Aquinate: neque enim dubitate possumus, tot inter errandi pericula, tuò fore Moralem doctrinam, si duorum illorum præclarissimorum Doctorum vestigiis infistar; cum nec securiores Duces ( post sacros Scriptores ) videatur habere posse, nec probatores sequi Doctores.

Enimvero quod ad Augustinum attinet, 23 Summi Pontifices, Concilia 15, omnes